

**CONVENIO DE COLABORACIÓN ENTRE A CONSELLERÍA DE POLÍTICA SOCIAL E XUVENTUDE E A PROVINCIA ECLESÍASTICA DE SANTIAGO DE COMPOSTELA SOBRE ASISTENCIA RELIXIOSA CATÓLICA A PERSOAS MENORES E MOZOS/AS INTERNOS/AS EN CENTROS DE INTERNAMENTO PARA A EXECUCIÓN DE MEDIDAS PRIVATIVAS DE LIBERDADE.**

En Santiago de Compostela,

**29 MAYO 2023**

**REUNIDOS**

M

Dunha parte Fabiola García Martínez, Conselleira de Política Social e Xuventude, nomeada polo Decreto 60/2022, do 15 de maio, polo que se nomean os titulares das vicepresidencias e consellerías da Xunta de Galicia, actuando en nome e representación da Xunta de Galicia, no uso das facultades que lle veñen atribuídas no artigo 34 da Lei 1/1983, de 22 de febreiro, de normas reguladoras da Xunta e da súa presidencia, de conformidade co disposto no Decreto 58/2022, do 15 de maio, polo que se establece a estrutura orgánica da Xunta de Galicia, no Decreto 73/2022, de 25 de maio, polo que se fixa a estrutura orgánica das vicepresidencias e das consellerías da Xunta de Galicia e segundo o Decreto 124/2022, do 23 de xuño, polo que se establece a estrutura orgánica da Consellería de Política Social e Xuventude.

Doutra parte, Julián Barrio, arcebispo e metropolitano de Santiago de Compostela, en virtude do seu nomeamento polo Papa, Sumo Pontífice e Xefe da Igrexa Católica o 5 de xaneiro de 1996, en representación das dioceses do territorio da Comunidade Autónoma de Galicia, en virtude de mandato lexítimo outorgado para estes efectos.

 Ambas partes, con capacidade xurídica bastante e os representantes con poderes suficientes e axeitados en dereito para obrigar as súas representadas,

**EXPOÑEN**

PRIMEIRO.-A Constitución española garante no seu artigo 16 a liberdade ideolóxica, relixiosa e de culto dos individuos e das comunidades e establece que os poderes públicos terán en conta as crenzas relixiosas da sociedade española e manterán as conseqüentes relacións coa Igrexa Católica e as demais confesións relixiosas.

SEGUNDO.-A colaboración entre as autoridades competentes da Igrexa Católica e do Estado español para a atención relixiosa das persoas internadas está expresamente prevista no Acordo entre o estado español e a Santa Sede sobre Asuntos Xurídicos de 3 de xaneiro de 1979, que sinala no seu artigo 4.1 que o Estado recoñece e garante o



exercicio do dereito á asistencia relixiosa dos cidadáns internados en establecementos penitenciarios, hospitais, sanatorios, orfanatos e centros similares, tanto públicos como privados.

TERCEIRO.-A Lei orgánica 7/1980 do 5 de xullo, de liberdade relixiosa, dispón no seu artigo 2.3 que *"para a aplicación real e efectiva destes dereitos, os poderes públicos adoptarán as medidas necesarias para facilitar a asistencia relixiosa nos establecementos públicos militares, hospitalarios, asistenciais, penitenciarios e outros baixo a súa dependencia, así como a formación relixiosa en centros docentes públicos"*.

M  
CUARTO.-A protección dos nenos aparece recollida no artigo 39.4 da Constitución española, na Convención sobre Dereitos do Neno de Nacións Unidas, de 20 de novembro de 1989, na Lei orgánica 1/1996 de 15 de xaneiro, de protección xurídica do menor, na Lei 3/2011, de 30 de xuño, de apoio á familia e á convivencia de Galicia así como as Regras das Nacións Unidas para a protección de menores privados de liberdade, adoptadas pola Asemblea Xeral na súa resolución 45/113 de 14 de decembro de 1990 (oficina do Alto Comisionado para os Dereitos Humanos).

QUINTO.-A Lei orgánica 5/2000, do 12 de xaneiro, reguladora da responsabilidade penal dos menores, dispón no seu artigo 56.1 que *"todos os menores internados teñen dereito a que se respecte a súa propia personalidade, a súa liberdade ideolóxica e relixiosa e os dereitos e intereses lexítimos non afectados polo contido da condena, especialmente os inherentes á minoría de idade civil cando sexa o caso."*

No artigo 56.2.d) da dita Lei orgánica 5/2000, do 12 de xaneiro, recóllese o dereito dos/as menores internados/as ao exercicio dos dereitos civís, políticos, sociais, relixiosos, económicos e culturais que lles correspondan, salvo cando sexan incompatibles co obxecto da detención ou o cumprimento da condena.

Así mesmo, o artigo 39 do Real Decreto 1774/2004, do 30 de xullo, polo que se aproba o regulamento da Lei orgánica 5/2000, do 12 de xaneiro, reguladora de responsabilidade penal de menores, sinala todos os menores internados terán dereito a dirixirse a unha confesión relixiosa rexistrada, de conformidade co previsto pola lexislación vixente. De acordo co indicado no dito artigo a entidade pública facilitará que os menores poidan respectar a alimentación, os ritos e as festas da súa propia confesión, sempre que sexa compatible cos dereitos fundamentais dos outros internos e non afecte á seguridade do centro, e ao desenvolvemento da vida no centro.

SEXTO.- A Consellería de Política Social e Xuventude, a través da Dirección Xeral de Familia, Infancia e Dinamización Demográfica, ten asumidas entre as súas competencias, de acordo co establecido no artigo 14 do Decreto 124/2022, do 23 de xuño, polo que se establece a estrutura orgánica da Consellería de Política Social e Xuventude, a execución das medidas ditadas polos xulgados de menores nos termos establecidos na Lei orgánica 5/2000, do 12 de xaneiro, reguladora da responsabilidade penal dos menores.

SÉTIMO.-Que ambas partes consideran necesario garantir o dereito á asistencia relixiosa dos/as menores fieis da confesión relixiosa católica internados/as en centros para o cumprimento de medidas privativas de liberdade.



Por todo elo, co debido respecto á liberdade relixiosa e de conciencia e ao interese superior da persoa menor, tendo en conta a normativa citada, para facer efectivo o dereito á atención relixiosa dos menores e mozos internos nos centros de execución de medidas xudiciais da Comunidade Autónoma de Galicia, subscriben o presente convenio con arreglo ás seguintes

## CLÁUSULAS

### **PRIMEIRA. *Obxecto***

É obxecto do presente convenio regular as condicións para garantir no ámbito da Comunidade Autónoma de Galicia o dereito á asistencia relixiosa católica dos/as menores e mozos/as internados/as nos centros de reeducación de medidas de internamento en réxime cerrado de Concepción Arenal (A Coruña), Monteledo (Ourense), Montefiz (Ourense) e Avelino Montero (Pontevedra) en base ao seu dereito á liberdade relixiosa.

### **SEGUNDA. *Contido da asistencia relixiosa***

A asistencia relixiosa católica comprenderá as seguintes actividades:

- a) Celebración da Santa Misa, actos de culto e administración de sacramentos, os domingos e festividades relixiosas e potestativamente calquera outro día, sen prexuízo das normas de réxime interno e de funcionamento dos centros de reeducación.
- b) Visita do sacerdote aos/ás menores e mozos/as internados/as e/ou a súa atención nun espazo axeitado aos/ás menores que desexen facer algunha consulta ou plantexar dúbidas ou problemas relixiosos.
- c) Instrución e formación relixiosa e asesoramento en cuestións relixiosas e morais.
- d) Outras actividades pastorais e as relacionadas directamente co desenvolvemento relixioso do menor internado.

### **TERCEIRA. *Compromisos do Arcebispo de Santiago de Compostela***

1. Designar un/uns sacerdote/s para prestar a asistencia relixiosa nos centros indicados na cláusula primeira que poderá/n ser asistido/s de xeito gratuíto por un equipo pastoral ou voluntariado cristiano integrado por persoas con vocación e preparación específica, propostos polo Ordinario do lugar coa conformidade do Arcebispo e a autorización da Consellería para realizar a dita asistencia axustada ao respecto do réxime do funcionamento dos ditos centros.
2. O Arcebispo compensará, se os centros quedan distantes, os gastos de desprazamento ao/s sacerdotes designado/s e demais persoas nomeadas para prestar asistencia relixiosa nos ditos centros.

3. Subministrar á Administración toda a información necesaria para o cumprimento das obrigas previstas no Título I da Lei 1/2006, do 18 de xaneiro, de transparencia e bo goberno, coas consecuencias no caso de incumprimento indicadas no artigo 4 da devandita lei.

#### **CUARTA. Cese na realización da asistencia relixiosa nos centros**

O/s sacerdote/s designado/s encargado/s da asistencia relixiosa católica e, no seu caso, o equipo pastoral ou voluntariado cristiano cesarán nas súas actividades por vontade propia, por decisión do Arcebispado a proposta do Ordinario do lugar, ou por decisión da Consellería en virtude das circunstancias que determinen o cumprimento do réxime de funcionamento dos centros. Nos dous últimos casos se cursarán as comunicacións correspondentes entre a Consellería e o Arcebispado.

#### **QUINTA. Compromisos da Consellería de Política Social e Xuventude**

Corresponde á consellería de Política Social e Xuventude, a través da Dirección Xeral de Familia, Infancia e Dinamización Demográfica:

1. Facilitar que o/s sacerdote/s e no seu caso os membros do equipo pastoral autorizados poidan prestar atención relixiosa católica a cantos menores e mozos/as de cada centro demanden a dita asistencia relixiosa.

2. Proporcionar a/aos sacerdote/s ou persoa/s designada/s para realizar as actuacións incluídas no presente convenio, os medios e a colaboración necesarios para o desempeño da súa asistencia relixiosa, provéndoo nos centros de espazos aptos para a atención personalizada e para o resto das actividades recollidas no presente convenio, de conformidade coa estrutura do centro e as súas necesidades.

3. Establecer un réxime de uso dos devanditos espazos para posibilitar o exercicio de dereitos no caso de coexistencia coa práctica doutras confesións relixiosas.

4. Velar pola consecución do exercicio do dereito das persoas usuarias destes centros.

#### **SEXTA. Condicións económicas**

A execución do presente convenio non leva consigo contraprestación económica entre ámbalas dúas partes.

#### **SÉTIMA. Información básica protección de datos persoais**

Ambas partes se comprometen ao cumprimento do establecido no Regulamento (UE) 2016/679 do Parlamento Europeo e do Consello do 27 de abril do 2016, relativo á protección das persoas físicas no que respecta ao tratamento de datos persoais e a libre circulación deste datos e polo que se derroga a Directiva 95/46/CE (Regulamento xeral de protección de datos), así como na Lei orgánica 3/2018, de 5 de decembro, de protección de datos persoais e garantía dos dereitos dixitais.

#### **OITAVA. Comisión de seguimento**

Para o seguimento deste convenio de colaboración se creará unha Comisión Mixta de Seguimento que terá como funcións velar polo cumprimento do que nel se establece, propoñer a resolución as cuestións que xurdan durante a súa execución, así como avaliar o seu funcionamento e eficacia.

Esta comisión estará integrada por:

a) O director xeral de Familia, Infancia e Dinamización Demográfica, que actuará como o seu presidente, ou persoa que a supla de acordo co establecido no Decreto 124/2022, do 23 de xuño, polo que se establece a estrutura orgánica da Consellería de Política Social e Xuventude.

b) O arcebispo de Santiago de Compostela ou persoa que o supla.

Actuará como secretario con voz pero sen voto, un/unha funcionario/ a da Dirección Xeral de Familia, Infancia e Dinamización Demográfica, designado pola persoa que asume a presidencia, así como a persoa que a supla.

A propia comisión acordará o seu calendario de sesións.

A dita comisión réxese polo establecido neste convenio e polas previsións que para os órganos colexiados se conteñen na Lei 40/2015 do 1 de outubro, do réxime xurídico do sector público e na Lei 16/2010, de 17 de decembro, de organización e funcionamento da administración xeral e do sector público autonómico de Galicia.

#### **NOVENA. Vixencia**

O presente convenio de colaboración terá unha duración de catro anos dende a súa sinatura.

En calquera momento antes da finalización do prazo previsto, os asinantes do convenio poderán acordar unanimemente a súa prórroga por un período de ata catro anos adicionais ou a súa extinción.

#### **DÉCIMA. Modificacións**

Cando xurdan circunstancias concretas, debidamente xustificadas, que alteren as condicións establecidas no convenio de colaboración, poderá formalizarse unha modificación ao convenio de colaboración que requirirá acordo unánime das partes, logo dos trámites legais esixidos. Dito acordo que inclúa tal modificación, deberá incluírse como adenda ao convenio.



### **DÉCIMO PRIMEIRA. Consecuencias do incumprimento**

O incumprimento de calquera das cláusulas do presente convenio será causa de resolución do mesmo.

A parte incumpridora non terá que indemnizar economicamente á outra parte por incumprimento das obrigas do convenio e pola súa resolución, sen prexuízo da súa responsabilidade fronte a terceiros.

### **DÉCIMO SEGUNDA. Natureza xurídica e cuestións litixiosas**

O presente convenio de colaboración terá carácter administrativo, e réxese polas cláusulas establecidas nel e, no seu defecto, polo disposto nos artigos 47 a 53 da Lei 40/2015, do 1 de outubro, de réxime xurídico do sector público e o establecido na Lei 9/2017, de 8 de novembro, de contratos do sector público pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014.

As cuestións litixiosas xurdidas acerca da interpretación, modificación e resolución serán resoltas pola Consellería de Política Social e Xuventude poñendo os seus acordos fin á vía administrativa. Contra a dita resolución poderá interpoñerse recurso potestativo de reposición ante o mesmo órgano que a ditou, segundo o previsto no artigo 124 da Lei 39/2015, do 1 de outubro, se a resolución fose expresa no prazo de un mes. Se o acto non fora expreso, poderá interpor recurso de reposición en calquera momento a partir do día seguinte a aquel en que se produza o acto presunto.

Poderá interpoñerse directamente recurso contencioso- administrativo, no prazo de dous meses contados desde o día seguinte ao da notificación do acto que poña fin á vía administrativa, se fose expreso. Se non o fora, o prazo será de seis meses e contarase, para o solicitante e outros posibles interesados, a partir do día seguinte a aquel en que, de acordo coa súa normativa específica, se produza o acto presunto, de conformidade co disposto na Lei 29/1998, de 13 de xuño, reguladora da xurisdición contencioso – administrativa.

### **DECIMO TERCEIRA. Causas de resolución**

Serán causas de resolución deste convenio:

- a) O mutuo consentimento.
- b) A súa denuncia por unha das partes, formulada con tres meses de antelación á data na que deba xurdir efecto.
- c) A celebración dun novo convenio entre as partes que o substitúa.
- d) Calquera outra causa prevista na lexislación vixente.

